

671.3441
078
141

光州志

光州志卷之十一

光州直隸州知州楊修田總纂

列女傳

國朝

阮氏

阮氏州民胡有仁妻年十七歸仁躬操井臼事姑龔氏孝敬篤至賢著內姻越三年夫亡遺一子石兒氏撫孤奉姑晝耕夜紡備極辛苦未幾孤殤氏泣不欲生以姑年老無人奉侍族人爲立姪應繼爲嗣勤苦度日竭力養姑氏現年五十姑年七十二歲

節事畧

陳氏

陳氏光山儒生蕭斌妻年十六歸斌生子夢蘭甫三歲次子夢麟甫一歲而斌故堂上舅應乾姑藍氏已老子又幼穉氏矢志撫孤事親竭盡心力姑歿後舅復病瞽延醫調治藥石先嘗而後進舅不欲服藥氏跪而進之氏飲食杖履必親奉有夫胞弟達敏采鳳俱未成人氏撫育懇勲及長謀爲授室訓以義方遂各得成立又有夫胞妹四人亦俱幼小無依氏愛如己出訓以壺儀後及笄盛備粧奩嫁之氏持家四十餘年不忍與夫弟析居後以食指繁不得已析居盡以肥產讓與夫弟而令己子任其磽薄者里黨

無不義之

節事
畧

李氏

李氏光山李明妻儒生李上林女年十八歸明甫一載明故氏無所出孀姑藍氏憐其幼勸之他適氏以死自誓不肯再醮姑時年七十朝夕哭子因染痼疾臥床不起氏力爲寬慰曰媳在卽子在也日夜不離其側孝養不衰家故貧茅屋數椽自勤紡績以供堂上甘旨奉姑以白米羹湯自于山中掘蕨根和米煮食之後姑死喪葬盡禮朝夕至墓前守哭狼虎眠於墓側卒莫之傷咸以爲至孝所感云

節事
畧

薛氏

薛氏息縣里民薛含玉女儒生雍鳳岐妻年十九歲歸鳳岐相敬如賓從無違犯之言越三載二十一歲鳳岐病歿尙無所出氏哭曰我歸雍氏隻身無依惟一死以從地下於是絕口不食者數日翁姑泣謂汝夫雖故叔尙幼俟其授室生子以繼汝夫之後以完汝節此則孝之大者氏始泣而從之未幾翁姑以哭子相繼歿夫胞弟陸尙幼氏竭力撫之爲之授室生子氏取爲己子撫養教誨如同己出氏性慈儉茶蘖每紡績有所餘必以濟親鄰之孤寡無依者里黨之人不惟美其節亦且嘆其仁

節事畧

張氏等

張氏光州巡檢徐信妻年二十一夫歿無子矢志守節助嫂氏操作持家善撫諸姪立次姪承夫嗣苦節三十九年又王氏諸生唐爵妻夫歿氏年二十二子維藩甫五月氏飲泣撫孤稍長紡績供其讀書得九州庠守節六十六年羅氏徐士妻夫故氏年二十二閱五月始生遺腹子國柱家赤貧操作事姑子長率以勤儉動循禮法苦節五十九年文氏宋鑑妻夫歿氏年二十五撫子之儒入庠守節五十四年閻氏武舉胡承秀妻夫歿氏年二十二奉事衰翁劬育孤子備極勤瘁歷節三十四年徐氏黃永定妻夫歿

氏年二十九撫子邁入國學守節三十九年曾氏廩生方苞妻本州舉人曾疇女幼習禮儀年十七歸苞五載夫故奉姑教子慈孝兼盡守節三十七年沈氏蘇筠妻夫歿氏年二十二孝事衰翁撫姪有常承嗣守節五十年張氏諸生黃獻昌妾昌歿氏年二十八撫遺腹子之幹成立守節

三十四年

節續志

吳氏

吳氏光山農民吳周一女雍正元年氏三歲字里人趙珍子祖賜爲妻十年珍故祖賜覓食出外與吳姓不相通問者八九載至乾隆四年氏年二十周一徧覓祖賜下落不

可得後乃訪知爲湯奇若義子頗得所喜曰吾女有所歸
矣因令原媒往通信并促之娶祖賜亦喜不負約正欲拮
据聘資爲請期計而周一旋又病故祖賜往弔周一妻何
氏見其形貌蹇陋衣履垢敝且念爲人螟蛉子諒無起色
怫然曰是寒乞兒何足辱吾女因密圖另擇壻氏漸察知
因哭告於母曰古人云一絲爲聘千金不移兒自有知識
以來卽知爲趙氏聘媳豈可因其貧落遽有改易且父命
也兒不忍背死父如必欲以我適他今日卽吾命盡之日
也母知不可奪仍以女歸祖賜食貧茹苦夫婦極和順氏

雖農家子其明大義如此

節彰善錄

孫氏等

孫氏固始桂其印妻夫故氏年二十六家貧三子俱幼夫兩兄亦相繼而亡氏日夜紡績上事翁姑生養死葬無缺禮訓子成立娶媳生孫又生曾孫氏享年九十餘乃卒同邑楊氏諸生吳熾妻年三十夫歿翁姑已早逝氏奉事王姑克盡孝道訓孤子可觀膺歲薦年八十六歲乃卒董氏諸生胡應先妻夫歿氏年二十無子止生一女家人勸其改嫁氏堅志不移事兩世翁姑生養死葬悉盡禮守節四十一年吳氏儒童徐榮宗妻夫歿氏年二十五子紹甫三歲氏撫養成立守節五十七年朱氏李德頌妻夫故氏年

二十五無子煢煢自守約四十餘年段氏監生董其明妻
年二十夫亡氏痛哭欲絕以姑孀居多年未得坊表乃忍
死守節爲姑請坊爲夫立繼姑歿盡哀盡禮歷節三十年
張氏梅光輝妻夫亡氏年十九遺子甫三月氏事姑撫孤
勤苦二十餘年汪氏牛成公妻夫故氏年三十子濂沂俱
幼氏孝事姑翁教二子成立守節四十三年吳氏許龍猷
妻夫故氏年十七無子氏痛不欲生翁姑力勸乃毀容守
節經年不出戶日紡織以奉翁姑及卒竭力營葬守節五
十年朱氏貢生蔡法妻夫故氏年二十七事姑撫孤以孝
慈稱未幾孤亦夭折率孤妻董氏撫孫成立守節四十八

年劉氏儒童周調妻夫故氏年二十孝事翁姑撫育嗣子
成立守節三十五年王氏儒童周調元妻夫故氏年十九
矢志守節閨門整肅宗黨稱之王氏華天成妻夫故氏年
二十屏處一室織紉自給守節三十七年

節續志

張氏

張氏息縣任以讚妻夫歿氏年二十九遺孤輅甫七齡撫
育成立娶媳賈氏甫二載輅病天孤亦痘殤賈年二十一
一慟幾絕以老姑在堂無人奉侍乃矢志養姑昕夕同處
一室強爲笑語博姑歡心并撫夫從姪鑾承祀張守節五

十二年賈守節三十八年

節事畧

崔氏

崔氏商城諸生倪之俊妻順治十四年氏舅與夫皆死於盜獨氏存有身越兩月生子世聰撫養成立守節六十餘年年八十五卒孫瑛璐皆擅各庠序子孫至今蕃衍人以爲苦節之報云節事畧

張氏等

張氏光山諸生張履女商城監生余秉質妻幼嫻闡範及笄適質能得堂上歡質歿撫三歲孤釣成立守節二十餘年楊氏監生張書紳妻夫歿奉舅姑至孝舅姑病躬奉湯藥晝夜無倦歿視含殮盡哀盡禮撫子及夫幼弟延師教

講俾各成立守節三十七年趙氏諸生李士适妻年十七
適李越四載夫故一子亦繼殤氏矢志奉舅姑生養死葬
無失禮撫嗣子倫延師教訓俾至成立守節三十七年節
畧

樊氏等

樊氏光州王淩雲妻夫歿氏年二十三奉養翁姑撫姪承
祀苦節三十二年成氏李國瑞妻夫歿氏年二十四守節
三十年萬氏儒童張我智妻夫歿氏年二十三遺孤克己
僅月餘茹苦教子久庠守節三十二年張氏諸生孟德音
妻夫歿氏年二十八子芝春甫二週氏與夫孀嫂胡同心

撫誨入庠先是張姑錢氏亦以幼孀撫德音兄弟成立後
錢歿二子亦繼亡孟蓋二世三節云節續志

梁氏等

梁氏光州監生王綽妻夫歿氏年二十九子中律甫三歲
氏撫誨入庠守節三十八年汪氏李國平妻夫歿氏年二
十二二子瑄瑒俱幼氏力貧養姑教子有法守節三十三
年呂氏方德行妻夫歿氏年二十五奉侍孀姑立夫姪爲
嗣姪夭又撫嗣孫守節四十年蘇氏馬世榮妻夫歿氏年
二十四矢志撫子凌雲成立守節三十四年李氏張俊妻
夫歿氏年二十五矢志撫孤持家有法守節四十九年于

氏吳永興妻夫歿氏年二十九撫子短折又代孀媳置嗣
皓首窮獨苦節四十九年陳氏陳藩妻年二十夫歿無子
累置嗣皆天本族乏絕育外孫以繼夫祀守節五十二年
節續志

饒氏 管氏

饒氏光山監生宋之敏妻年十五適敏越二載生子大謨
而之敏故氏矢志守節奉姑撫孤姑卧病奉藥餌必先嘗
侍牀幃寢不安枕者十數年嚴於教子大謨方七歲氏延
師訓課後大謨入太學生孫任中任緒亦讀書有聲氏好
善樂施乾隆三年荒氏出穀一千石煮粥六十日以濟飢

民有夫從姪爲光鰥居無子年已五十氏予金三十兩俾
娶妻周氏生二子爲光夫婦感激氏無德色其娣管氏係
夫弟之景妻年十七適景尙未有出之景卽病氏奉湯藥
不倦及病劇懼夫疑有他意卽截髮自誓曰及君在請作
墓穴二一以俟未亡人夫歿事孀姑篤孝朝夕不離其側
敬夫嫂如其姑愛夫姪如其子姑歿殯葬畢氏遂以哀死

節事
畧

張氏

張氏楚北漢陽人雲南觀察使坦態女及笄歸天津巡道
葉王前之子正湑葉本籍黃岡因族人居光固者眾遂遷

於光山之鵲山里正湑補邑諸生後卽歿時結褵僅五載
氏無所出翁姑又先歿唯閉戶自守以老婢耕種自給其
父致仕後氏來歸省父以其無倚欲留之家氏力辭曰兒
翁姑及夫遺骸在光不忍離也不數日卽回朝夕對墓而
泣三十載如一日里人咸以節婦稱之

節事
畧

甄氏

甄氏息縣鄉民思傑女年十九適同邑儒士谷景湖克執
婦道敬夫如賓年二十六夫故初欲殉節繼念姑春秋高
長子林臯方四歲仲子二歲季子甫三月遂矢志奉姑撫
孤孝慈備至又氏妯娌俱寡更拙於織紉凡諸幼姪衣服

巾襪皆藉氏手製視諸姪如子析產時未嘗計肥瘠性好
施予乾隆三年及七年俱歲飢鄉人無所得食氏計屢年
積糧除留糊口外罄所有以濟親鄰嘗買朱姓女爲婢見
其姿性端莊遂善視之每誡子婦曰此亦人子也慎勿虐
及長備資奩擇配良族其仁心爲質太率類此

節事畧

袁氏等

袁氏光山鄉民彭彬妻年十六歸彬結褵七載彬卽病故
氏無所出依繼姑王氏守節盡心孝養姑歿哀毀中禮撫
夫從姪誠爲嗣鞠育不異所生同邑毛氏諸生胡國明妻
結褵九載生一子瑾未及一週夫卽病歿時嫡姑朱庶姑

王俱在堂其夫臨終囑氏曰我死不足惜奈上有老母下有穉子爾果能守節必以孝慈爲念氏指天誓曰倘不成君之志有如此日夫歿茹苦含辛孝慈備至兩姑俱壽至既羣子瑾亦成立爲弟子員劉氏諸生胡希銓妻年十八結褵越五載夫歿撫遺腹子建成立年十七娶同邑諸生陸純珍女爲妻生子未幾建又病歿陸矢志養姑撫孤人皆重其一門雙節節事

甘氏

甘氏光山貢生甘琬女幼嫻內則及笄歸禮部侍郎胡煦子諸生長學越七載學歿氏未有所出哀慟幾絕因翁姑

年老矢志代夫終養氏嫡姑陳夫人病凡飲食湯藥必親爲調理晝夜不懈陳歿事庶姑夏氏一如嫡姑翁煦乾隆元年九月以病卒於京邸奉

旨歸櫬氏夫弟季堂甫七歲一切祭葬之禮皆氏經營毫無遺憾季堂年四歲生母卽病故氏以嫂代母撫育成立以恩膺任順天通判洵厯甘肅按察使堂亦視氏如母一切內政皆稟命於氏氏裙布釵荆儉能中禮凡持家悉遵先世遺矩堂長子鈺年七歲氏撫以爲子嚴慈兼至一一導以禮法

節事畧

方氏等

方氏固始方建公女年十七歸同邑王璟越三載璟病歿
遺子希元甫三週上有孀姑素病羸非乳不能存活氏夜
乳其子曰乳其姑四載無間後姑享年九十子援例入監
同邑王氏儒童張治妻年十九歸張越六載治忽患病氏
日奉湯藥寢食俱廢未幾夫故上有老姑下遺幼子又未
及一週氏茹苦含辛事姑養生送死悉能盡禮教子成立
復援例入監王氏儒童萬澤大妻年十八歸萬事孀姑得
其歡心歷九載澤大以疾歿遺孤存敬甫七歲氏仰事俯
育孝慈兼至程氏儒童黃文明妻年十八歸黃事姑甚孝
夫家素貧寒氏以紡織供夫讀書未三載夫病篤氏日奉

湯藥夜不安寢及夫歿累日不食遂欲自決以姑力勸而止越三月遺腹生子維林氏哀姑老子穉家空如洗力勤操作供姑甘旨而已實蔬糲不充教子必以義方不少姑息現年六十六歲守苦節已歷五十載

節事畧

鄭氏等

鄭氏固始監生文國紳妻紳歿氏年二十二事姑至孝持身以禮法守節三十七年李氏諸生周鑑妻夫故氏年二十四姑老子幼氏代夫孝養不衰并督子清翰讀書入庠守節四十三年方氏諸生黃瑄妻夫歿氏年二十三撫一歲孤成立守節三十八年何氏孫朝妻夫歿氏年二十九

上奉衰姑下撫幼子操持家政秩秩有法守節三十五年
吳氏李見龍妻夫故氏年二十二無子誓不欲生念翁姑
年老無依不忍死奉侍歷三十餘年翁姑繼亡殯葬禮畢
氏曰事完矣生復何爲乃哭奠夫主前一慟而絕蔡氏劉
珍妻夫亡氏年十六家赤貧紡績自給苦節三十一年黃
氏諸生翁鼎妻夫亡氏年十六勤儉治家教子成立苦節
五十年甄氏葉蔚蕃妻夫歿氏年二十八矢志守節孝事
孀姑歷三十五年游氏劉天祿妻夫歿氏年二十一事翁
姑孝撫幼子紹宗成立苦節三十四年汪氏李基美妻夫
歿氏年二十二守節五十六年盧氏葉恒燦妻夫歿氏年

二十一守節三十三年王氏常曰智妻夫歿氏年二十二
苦節六十二年又王氏熊翌妻夫歿氏年二十守節三十
二年曾氏陳廷茂妻夫歿氏年二十守節二十七年

節續志

彭氏

彭氏息縣鄉民彭璽盛女年十六歸同邑陶印越五載夫
故遺孤甫三齡翁姑年老氏竭力供奉甘旨撫幼子成立
守節四十九年

節續志

彭氏等

彭氏商城諸生葛永熾子婦年十六于歸越三月夫歿矢
志奉舅姑色養兼至遺腹生子撫育成立人推其節楊氏

普甯令楊克緝女諸生何毓璠妻年十九夫歿無子氏投
繯自縊以母救得甦遂矢志守節奉養舅姑撫育嗣子歷
三十年如一日武氏諸生何毓璠妻年二十夫歿無子氏
欲以身殉以舅姑耄無依乃忍死守節家貧借鍼黹以供
滌滌鄉黨重之

節事畧

羅氏等

羅氏光州陳大智妻夫歿氏年二十九事翁姑至孝撫一
藏子世鉦成立守節二十九年王氏張國肱繼妻年二十
六夫歿奉姑至孝撫前子樅不啻已出樅有疾則抱於夫
柩前哭泣達旦躬紡績以爲衣食藥餌資後樅夭折撫樅

子亦如撫樅又撫夫兩幼姪成立守節三十五年魯氏李
彭齡妻年二十三夫歿撫六歲子作哲成立守節二十四
年石氏倪繁妻年二十夫歿并無寸土撫一義女機杼度
日苦節三十二年牛氏趙英妻年二十八夫亡獨奉翁媪
送終夫家無人倚壻袁希文以居守節四十六年汪氏劉
仲嗣妻年十六于歸半載夫歿時祖姑楊年八十姑李年
五十氏立嗣養老送終守節三十二年謝氏諸生胡時彥
繼妻年二十九夫歿事繼姑恭謹撫子昺炎入監守節二
十四年陳氏楊爲楚妻年二十七夫歿子體元甫四歲事
姑克孝撫子入監子亡育孫守節三十八年劉氏諸生吳

琰妻年二十八夫亡撫夫姪承嗣守節三十二年

節續志

許氏等

許氏固始閭登仕妻仕故氏年二十二家貧躬紡績度日
善事翁姑教子汝寧成立守節三十三年王氏陳繼善妻
夫故氏甘貧撫三歲子瑞龍成立壽八十餘乃卒武氏儒
童孫仁妻夫歿氏年十九孝事翁姑生事死葬無缺禮守
節三十六年馬氏許法曾妻夫故氏年二十五無子紡績
奉姑苦節三十餘年胡氏許文輝妻夫故氏年二十四撫
一子習聖人成均守節三十年祝氏徐臻裕妻年二十三
夫故無子誓志奉姑姑卒夫兄嫂亦相繼歿氏撫夫孤姪

成立并營葬兩世淹柩悉如禮苦節三十八年金氏孟養
性妻夫故氏年二十二撫子體謙成立守節三十三年陳
氏黃金鏹妻夫故氏年二十五撫五歲子桂成立苦節二
十五年朱氏張偉妻年二十三夫故撫幼子克思成立守
節六十二年周氏諸生祝樹穀妻年二十二夫故撫子作
賦入庠守節四十年陳氏王重禮妻年二十六夫故守節
三十六年汪氏王有民妻年二十七夫故守節三十四年
李氏張士愷妻年二十三夫故守節六十三年聞氏張大
經妻年二十三夫故守節四十二年趙氏周大興妻年二
十四夫故守節三十六年吳氏諸生李之裔妻年二十四

夫故守節五十一年

節續志

趙氏

趙氏原任息縣典史趙以貞女年十九歸本縣諸生王繩武結褵三載夫故遺孤三月亦殤氏投繯自盡以姑啼救得免氏繼母蔡欲奪其志氏號泣拒之遂不歸甯朝夕奉事孀姑撫夫八歲姪伏生爲嗣盡心教養俾得入庠守節三十五年

節事畧

陳氏等

陳氏商城鄉民湯連妻年十六于歸越四載夫歿氏號泣幾絕誓欲殉夫以親族力勸乃忍死守節躬紡績奉養舅

姑立夫姪爲嗣撫育成立歷節五十一年又張氏陳宏妻
年二十三夫歿奉姑至孝姑病噎食不下咽氏以乳乳之
病得愈撫一歲孤成立督責甚嚴歷節五十餘年鄉黨無
不稱之王氏吏員何秉智妻年二十于歸越三載夫故遺
孤甫七月舅姑年皆衰老氏勤紡績養老撫幼無何子又
夭折乃立夫族姪爲嗣守節三十年

節事
畧

管氏等

管氏商城孫允敬妻年十九夫歿氏無所出撫夫姪璋爲
嗣時璋甫三歲氏盡心鞠育教之成立璋弱冠卽補邑諸
生同邑熊氏盛世龍妻年二十五夫亡翁姑停柩在堂子

以炯僅三歲家貧如洗氏躬親操作苦積五年始舉翁姑及夫柩歸葬於祖塋教子慈而有方炯既冠卽補邑弟子員汪氏洪天材妻年二十一夫亡撫孤養姑孝慈兼盡性尤好善樂施親鄰老幼廢疾者與之衣食數而不厭雷氏監生高安仁妻年二十三夫亡孝事祖姑及翁姑翁姑歿祖姑猶存年八十餘雷侍起居奉甘旨倍加調護熊氏周天奇妻年十九適周翁姑已見背熊奉從翁姑能盡孝敬越二載夫亡生遺腹子撫之成立子受室生子尋以疾亡氏又撫遺孫成立

節事畧

王氏

陳氏

王氏商城舉人楊一道妻同邑監生王聘賢女夫亡守節三十九年教子克繩讀書補邑弟子員孫文蔚登辛酉鄉薦稱賢母焉同邑陳氏舉人張榮宗妻鄉民陳善女年十六歸張家故貧氏勤紡績供夫讀書登丙子鄉薦夫尋病故時翁姑停柩在堂氏無所出鬻產營葬三柩畢遂閉戶自縊死

節事畧

廖氏等

廖氏商城諸生熊子顯妻年二十四夫亡止遺一女立夫姪啟克爲嗣甘貧守節盡心鞠育克後入庠食餼中壬申科鄉式爲邑知名士吳氏諸生羅璽妻年二十五夫亡孝

翁姑生養死葬能盡禮無憾子四皆教之成立乾隆三年飢氏出穀賙濟貧乏人皆重其節而推其賢周氏諸生王程之妻年二十三夫亡無子翁諭令氏改嫁氏卽剪髮毀面以自誓時姑歿氏閉戶紡績越三載出所積資延親族勸翁再娶後繼姑生子不育氏恐絕翁祀始撫夫從姪光煜爲嗣

節事畧

黃氏

黃氏商城諸生熊學乾妻年二十六夫亡無子氏屢投繯皆以救不果越數月家人防之少間遂於夫柩側縊死同邑周氏諸生黃約繼室結褵三載約以病歿氏送夫柩就

窆卽自縊死楊氏鄉民劉廣母夫亡遭鄰人柴禮闕戲遂羞忿自縊

節事畧

熊氏等

熊氏商城諸生李芝妻年二十夫歿子僅七月甘貧守志撫子成立洪氏張世德妻年二十夫歿子僅週歲家貧如洗姑欲令改嫁氏堅志不從代夫養親撫子艱苦備至子受室生子旋以病亡氏又撫孫成立王氏黃綬妻年二十夫亡無子撫夫姪爲嗣代夫事翁姑曲盡其誠翁姑歿喪葬之費皆出氏女工贏餘不以家貧減禮李氏諸生吳緒伯妻年二十三夫亡子甫一週氏撫之授室生子未幾子

光州志 卷之十一
七
亡又銜哀撫育其孫

節事
畧

楊氏

楊氏光州吳允中妻夫亡貧無立錐事姑撫孤竭盡心力未幾子天率孀媳作苦撫孫成立媳亦繼天數世一身飲冰茹蘖老而不衰守節五十餘年又陳氏楊懷妻年二十六夫亡誓死守志撫子漢如渤如成立苦節三十二年劉氏周玟妻年二十四夫歿子亡撫女守節三十三年唐氏監生徐士釗妻年二十八夫歿子龍川甫六歲辛勤鞠養訓誨入庠守節二十八年陳氏諸生曾希孔妻歸曾六載夫歿子天繼嗣亦殤依壻諸生賀塤以居苦節三十四年

田氏汪文池妻年二十七夫歿順事孀姑子永壽甫三齡
依叔監生文進撫誨人監子亡又撫稚孫業儒守節四十
一年劉氏熊彩妻年二十八夫歿子調元甫七齡茹苦矢
志教子人庠守節三十六年鄭氏胡珣妻年二十六夫歿
撫子作梅人監守節二十五年李氏諸生張雲翼妻年二
十八夫歿奉事翁姑始終無缺禮撫子珩人監守節二十
九年李氏吳世量妻年二十八夫歿勤瘁治家和睦庭除
訓子瓏人庠守節三十年

節續志

張氏等

張氏固始柴宏工妻年二十四夫歿遺腹生男上有翁姑

民代子職仰事俯育守苦節三十一年李氏高文魁妻年二十七夫歿甘貧苦守孝事衰姑教子成立歷節三十一年陳氏曾復敬妻年十八夫歿守節四十七年文氏諸生許廷舉妻年二十夫歿事翁姑孝敬備至守節三十年任氏諸生吳玟妻年十八歸玟越三載夫亡撫一歲子成立守節三十一年徐氏祝作梓妻年二十九夫歿撫三歲子成立守節三十三年祁氏祝作楷妻年二十七夫歿撫二歲子成立守節三十一年周氏諸生張甫妻年二十六夫故誓以死殉水漿不入口者數日家人立勸始勉進飲食守節三十三年曾氏祁叶夢妻年十八夫故水漿不入口

者五日因翁姑力勸乃忍死守節紡績度日敬事翁姑久而彌篤歷節四十一年

節續志

漆氏等

漆氏商城鄧錫禮妻年十九于歸越四載夫故奉姑撫孤守節三十餘年鮑氏儒童李士達妻年二十三夫歿無子奉養舅姑守節三十年

節事畧

匏氏等

匏氏光州黃士雋妻年二十夫歿矢志撫孤未幾孤亡煢煢子處足不踰閭者五十餘年劉氏張執芳妻年十九夫歿奉事孀姑唐享年八十有二生盡其養死盡其哀撫嗣

子慈而能嚴守節二十二年王氏屈方秦妻鹽大使王化
女秦歿氏年二十二履艱守義撫嗣子修潛入庠書節四
十年胡氏貢生陳紹曾妻年二十八夫歿孝事哀翁撫嗣
世懷以延宗祀守節二十九年唐氏方承祐妻年三十夫
歿奉事孀姑備極孝順撫嗣體曾入庠守節三十二年陸
氏諸生陳朝熺妻年二十九夫歿撫兩穉孤成立守節二
十餘年蔡氏諸生陳大振妻年三十夫歿撫孤清成入庠
守節二十七年胡氏孫孚遠妻年二十五夫歿遺孤甫五
月茹苦撫育守節二十七年

節續志

賀氏

賀氏光州廩生賀祚女幼端嫻姆訓及笄適固始貢生熊駒克執婦道事孀姑孝姑年八十餘染痰疾侍湯藥晝夜不離側三年無有倦色處姑喪致哀盡禮夫歿子維新履中俱幼氏勤紡績供其讀書俾各成立次子履中甫弱冠又天遺二孫俱在襁褓氏辛勤撫育其艱苦有不可勝舉者

節事畧

郭氏

郭氏商城人年十七適儒童黃緒二載夫故遺一子家故貧日夜紡績孝養翁姑後翁姑相繼亡氏葬祭以禮教其子師萬久庠卒年五十終其身足跡未嘗履戶外邑人咸

稱爲節孝云

節事畧

楊氏

楊氏商城諸生黃璟妻封邱訓導築女弟幼嫻內則事翁姑以孝處妯娌以和每以孝義訓子孫及年老病床尤以治家睦族爲念呼諸孫床前語之曰世之不才莫不因貧困及失學而至汝祖曾欲立義學舉義田未果汝諸父又先後天亡迨吾在汝等當聚合族查其丁數舉義田立義學以教養合族貧困之子孫汝祖願遂吾死亦瞑目矣言訖而逝享年七十六歲諸孫承訓卽捐田建義塾俾族人世享其惠孫九人庠食餼者五人曾孫十七皆力學克世

其業人咸謂璟之夫婦孝義所致云

節事畧

鄭氏

鄭氏光州諸生郭方儻妻年三十夫歿兩子皆稚茹苦持家嚴誨二子有過必令長跪受責子昌祚昌霍後先入庠動止尤稟命維謹氏享年至七十餘胡氏監生吳大扶繼妻孝事孀姑慈育前妻二女不啻己出夫歿氏年二十三子若靄甫週月撫之成立督教不少姑息晏氏汪士慶妻父世爵倅舒城贅任所未匝年慶歿氏欲死殉因祖母密防不果後隨父歸里卽詣夫家撫姪爲嗣子處一室并去簪飾人稱其律身之有禮焉喻氏年十九許聘康健爲妻

未嫁健亡氏聞之欲身殉父瑾無嗣苦勸止氏誓不再字
晨昏侍養以女代子閱十六年病卒具報前州牧吳爲置
嗣並旌表其墓

節續志

詹氏 陶氏 周氏

詹氏商城儒士高必成妻事舅姑至孝相夫以道鄰黨有
貧者必憐而賙之生子臨甫三歲值夫多病氏口授孝經
內則悉能句讀氏喜謂姑曰高氏其有後矣舅姑懽甚方
乘髻時卽令就外傳親賢友遠邪僻凡諄諭於庭除者皆
曲盡訓子法其子後爲善士事具善行傳姑歿事繼姑尤
孝繼姑舉一子各必昌生卽無乳氏口噉米汁以哺之及

長其教誨之誠亦如訓子然昌年十三以疾殤姑哭之慟
兩目喪明兼染沉痾氏親侍湯藥躬紡績爲藥餌資朝夕
祈禱誓以身代後姑病愈兩目復明姑執氏手曰不見天
日者已三年今病愈目且明實汝孝所感也未幾氏以疾
卒不及視其子成立賴兄嫂漆養育受室陶氏性賢淑幼
嫻內則歸高臨後克相其夫事伯姑至孝侍問承歡終身
不倦維時臨家緒中落又值歲飢陶父憐壻窘苦欲移令
就養氏愴然泣曰余高氏婦捐夫家不顧非義也依母氏
圖安非道也雖姑久逝舅今山居然有伯姑在我夫自少
蒙其劬勞今不獲朝夕奉事於心安乎遂力辭不往脫簪

鬻衣以供伯姑甘旨後舅臨終時有幼子宗洛年甫五歲
稚而多疾囑氏曰此子幼弱無依惟汝是賴氏惻然受命
維持保護迨至成人始終如一氏終鮮兄弟父母先後去
世家殷實無嗣族人咸利其產謀競奪之氏曰陶氏竟無
人也耶陶氏有人則陶氏固未斬也他人何得干者乃議
建其宗親之近且賢者以承父祀遂克保其宗祊夫歿長
子依仁次子敦仁雖學業俱已成氏猶提訓不啻童子時
規以積學希賢無墜家聲長子貢入成均次博士弟子員
諸孫皆以讀書爲務悉氏之遺教也依仁妻周氏善事翁
姑越三載生子皓未幾夫染沉痾親侍湯藥夜不沾寢者

年餘夫歿教子有方先是夫與弟分居及歿仍將田產交夫弟收管氏日維躬紡績課子讀書足跡不離闔閭時里人有二世賢德之稱娣周氏係固始監生周圖臣女雍正二年適夫弟敦仁生子旼年十八娶妻周係氏母家姪女甫一載旼殞時媳年十九無子哀痛絕食氏以撫嗣大義勸之媳乃忍死守節立旼從姪爲嗣教養成立苦節四十二年節事畧

祝氏熊氏

祝氏固始贈文林郎日敬女年十五適陳纘曾時翁候補主政翼繼姑楊氏俱耄疾纘承父命出就外傅氏獨力奉

饑淳熬糴澁舉能曲體所欲甫一載翁姑繼歿又五載續亦歿氏慟絕仆地經時方甦見老嫗抱己五月子世慥攜夫幼弟緝曾泣呼其旁乃矢志苦守謂其家人曰吾子始孩焉望成立惟望夫弟能繼先業死可見翁姑於地下無何緝曾又歿氏連遭家難每哭至竟夜聞者傷心迨慥少長卽爲擇師旦遣就塾夜則篝燈手自紡績令慥讀書其旁至夜分不輟有過務令長跪受責不少貸嘗流涕曰陳氏宗祧祇汝一纖若不鞭策成人其與無嗣何異慥亦仰體母意勵志讀書年弱冠爲諸生旋即食餼氏現年五十歲守節已三十年其姊熊氏商城諸生熊奕嵩女字翼

次子緝曾幼讀書明大義年十七未嫁而夫卒氏聞訃哀痛閉戶自經家人急救乃甦水漿不入口者數日爲其父母力勸乃斷髮毀形矢志守貞經年茹素衣單足不踰閭數致書孀嫂祝言俟父母終天年終歸陳氏與夫同穴情詞肫懇嫂爲感泣又致書姪世慥憐其幼孤勸令讀書歷節已二十五年各建坊於南城本宅前

節事
畧

徐氏 女楊氏 夫姊楊氏

徐氏光州庶常楊穀詒妻事王姑翁姑色養兼至相夫以賢稱年三十八夫歿無子兼遭家難晨夕悲啼淚痕皆血常夢中號痛出聲僕婢親從皆感動辛勤爲夫立嗣閱七

載嗣天復援擇賢之例立商城族人克維子衍慶青燈課
讀旋列州庠穀詒著醒心錄若干卷氏出資授梓不辭拮
据舉翁喪盡哀盡禮又舍宅建宗祠置田永爲祭費族屬
老弱無依者胥存濟之貧不能葬者給棺槨以周之又施
田三十畝爲弋陽書院膏火資施樹三百株修鎮潢橋凡
里黨有義舉無不樂從其好善喜施有男子所不及者其
女年十八歸本州任鑣越兩月夫歿翁以哀慟鬚髮盡脫
氏因不敢以身殉夫忍死事翁姑克盡婦道翁姑繼歿葬
殯悉如禮伯氏寄居固始依母徐同居髮麻相對誠節之
少而堪憐者其夫姊幼嫻女訓年二十四適固始諸生周

基農孝事翁姑越三載夫歿無子哀毀不敢死撫夫兄基後子承嗣未幾嗣子殤孤苦無依就養於弟婦徐尋以痛卒其夫兄僅迎其木主焉樞懸二十餘年徐移葬於州東七里岡尤人人爲之憫惻者也

節事畧

楊氏

楊氏商城諸生熊大成妻事翁姑以孝稱夫歿乏嗣氏年二十六撫夫從姪荔苞承祀家極貧氏嘗典釵供苞讀書教育有法早入邑庠其諸睦族範家俱有賢聲里黨稱之

節事畧

羅氏

羅氏光州羅廣生女年十九歸郝鵬爲妻越三載鵬亡子
士奇年方週歲時姑停柩未葬父母勸歸氏云吾姑喪未
舉豈可遠離父曰汝族無依子又幼稚今父子相依爲命
權也於是將業之僅存者典當過半竭力營葬舉遂居母
家一日氏兄爲奇議婚時人以其依母家恐其子不能自
立意難之氏聞卽托故歸本家撫奇而泣曰爾倘不能奮
志如人所料不惟貽笑於人亦何以慰爾祖父於九原也
其子亦能勤儉操作復其舊業受室任姓生孫五人一孫
入庠氏守節五十一年卒年七十三

節事
畧

祝氏

陳氏

祝氏息縣貢生祝易女賦質溫淑年十六歸光州廩生黃
儉時翁姑已繼歿氏常以不逮事爲憾每歲時薦享必備
物豐潔以致誠敬夫弟妹四人皆穉氏撫育愛護委曲周
至比長爲之經其婚嫁竭力營辦無稍缺畧夫姊適朱甫
二載而孀氏念其孤寡無依迎養至家凡飲食起居必與
相共夫素患嗽方謀葬其父母旋以哭同室大功喪過哀
病劇天亡時氏年二十八遺一子僅三歲撫育成立並同
夫諸弟謀厝翁姑於老塋復置新阡安葬其夫一切殯祭
皆衷於禮且居家猶克繼夫志其娣陳氏儉堂弟依妻幼
嫻姆訓年十九歸依卽恪執婦道事翁姑以孝聞越三載

夫歿尤能以婦道兼子職遺孤一方一週慇勤鞠育比五歲卽令從諸叔父授書課業凡一舉動必繩以禮夫次弟家業中落旋懼天折遺子女六人煢煢無依氏請命於姑悉收之已室飲食教誨不異已出中更備厯艱窘未嘗稍懈時人賢之

節事畧

錢氏

錢氏光山諸生錢禮可女年十七歸儒童藍魁甫半載魁故並無子女氏矢志守節孝事翁姑翁耄年病目時姑已歿氏事之惟謹滷瀧豐潔每飲食必手奉夫弟閭幼稚氏盡心撫育教以義方及長謀爲授室性好施予蘓家河石

橋年久頽圯行人不便氏捐錢五十貫修理完固乾隆三十三年飢氏家有松山任鄉里砍伐轉鬻以給又於蘓家集煮粥賑飢里中多沾其惠

節事
畧

附明割骨療姑舅疾者固始有許念勳妻張氏商城有黃燿妻桂氏割骨療夫疾者商城有袁鎔妻王氏

國朝割骨療舅姑疾者光山有張哲婦張氏許正仁妻胡氏潘涑水妻楊氏固始有熊璧妻孟氏周鏐妻康氏桂元福妻沈氏戴成黃妻潘氏閻德秉妻汪氏周啟烈妻邵氏石顯秀妻王氏許嵩昌妻王氏商城有李耀妻石氏高岳峙妻楊氏洪之瑄媳吳氏吳天根妻劉氏吳

起妻方氏張政妻余氏割骨療夫疾者固始有許中行
妻熊氏王君福妻王氏鄭德產妻魏氏商城有何天衢
妻張氏

列女傳

喻胡氏儒士喻逢吉之妻翁姑年邁初歸喻門卽以持家
自任夫力學未遇而故遺子二玫六歲珍三歲族人欺
弱氏力持之玫十七爲娶鮑氏逾年生一孫女閱六年
而長子玫又故爲次子珍娶於傅生孫二長華南次鯤
南以長孫繼大宗珍亦事嫂維謹胡氏年七十故而鮑
氏繼志苦守持家課子姪以詩書華南採芹食餼考試
屢冠軍由明經而補教諭以書法擅名鯤南保授指揮
家道日隆未始非兩世苦節之所致也

貞女朱氏江西太和縣典史朱吉暉之季女幼字於儒士

邱昌鏞爲妻道光乙未年三月病故朱氏年十六夢昌鏞潛然而來曰吾汝所字之夫邱昌鏞也父母年高又無兄弟吾今已死汝其代吾事之哀懇再三痛哭而去方驚愕間而訃音適至朱氏投繯絕粒死而復甦者屢矣繼念夢中所囑遂剪髮以守貞自矢于歸邱門撫棺痛哭盡哀盡禮舅姑哀其幼年守貞爲立嫡堂姪際清爲嗣迨舅姑先後病歿生事死葬悉能如禮爲際清娶婦王氏際清應童子試屢冠軍報份二次本生舅氏王開貽知建德縣際清隨任值髮匪擾亂開貽知城不守令際清早避際清曰人當安樂而來有患難則去非義

也城破殉難朱氏聞之死而復蘇曰子能死義雖死猶生但恨媳王氏年輕無嗣兩世孀婦併死何難死則邱氏之禮祀絕矣姑延死而徐圖之未幾迎子柩歸葬蒙卹典入昭忠祠同治甲戌七夕朱氏忽得微疾謂媳王氏曰吾本爲邱氏禮祀來也今承祧無人何以見祖宗於九泉下哉我死汝當擇族中賢者立爲嗣王氏取夫同胞弟銘彝之次子駿聲承繼卽奉神主人節孝祠立碑於官道旁

徐方氏河南候補從九山陰縣人徐兆熊之妻光州營千總方保印之女于歸年餘氏翁姑病篤克盡孝道送終

如禮夫隨大營積勞病故遺子恩培甫三歲苦守養子
恩培丁年卽令其負笈千里訪求明師學習申韓氏現
年五十餘歲守節二十四年

張聞氏張繼銘之妻夫故祖姑及翁姑俱在堂侍奉盡孝
送終亦俱如禮命夫弟繼成操持家政子姪讀書有弱
冠入庠者五世同居咸豐六年歲荒命弟成爲食於路
以濟飢者鄉黨有賣子女者輒贖之有姊適李貧寡族
弟媳周氏貧寡皆收養之以全其節焉

左王氏左祖培妻年二十餘夫亡欲以死從轉思孤子立
學尙幼守節撫養迨子娶媳又早逝遺孫鴻儀教養成

立儀娶媳生曾孫各揚方十三日耳孫媳又亡氏保抱
攜持不勝調養之苦坎坷備歷而性好施捨周急行善
現年八旬餘曾孫聰穎過人此節孝之所致也

蔡駱氏蔡田之妻夫亡有遺腹越四十日生子汝霖氏且
悲且喜勤紡織以爲育養迨子名列黌宮氏心稍慰未
幾子又亡遺孫女四皆幼孫一纔數月耳氏調養辛苦
孫方五歲氏無疾而卒孤孫無依幸有氏壻監生張慶
餘爲之教養

陳葉氏陳作鏞之妻葉仇之女夫故守節教子從九陳啟
濬能世其業

葉李氏葉體幹之妻李成望之女歸葉一載夫故守節

郝楊氏楊萬年之女歸儒童郝堃爲妻十七歲于歸結褵
三載夫故守節上奉翁姑下撫幼子現年五十餘歲節
守三十六年

呂李氏儒士呂承安之妻湖南湘陰縣知縣李羣之女夫
故守節子呂鵬先已成立氏現年六旬苦節三十餘年
金彭氏從九金萬元之繼室監生彭上選之女夫故守節
事孀姑以孝聞子二長慶七歲次潤五歲撫養教訓長

慶報捐湖北巡檢長潤監生肄業鄉試氏現年七十歲

張朱氏張贊清之妻監生朱筆黜之女歸張五載夫故翁

姑年邁事奉盡孝及其歿也送終亦如禮守節二十八
年而卒

王朱氏王萬里之妻朱忠君之女十九歲歸王四載夫故
孝事尊嫜送終盡禮撫養二子耕讀成家守節三十六
年

陳王氏陳宗魁之妻王萬鑑之女十八歲歸陳五載夫故
遺女三週子方數月家貧如洗遂率子女就養於娘門
男婚女嫁辛苦備嘗守節二十七年而卒

羅孫氏吏員孫其和之女適羅銘恩爲妻銘恩報捐貴州
府經到省隨營効用積勞病故遺子女二尙幼氏上事

翁姑生養死葬均能盡禮氏搜括家私遣其功服夫弟至黔扶櫬旋里安葬拮据萬狀氏二十歲守節現年四十三歲

吳劉氏吳中倫之妻劉培德之女十七歲歸吳七載夫故氏絕食者三日時遺子尙幼衰姑在堂責以大義氏曲意相從事畜維艱姑亡送終亦能如禮今子亦成立守節三十三載現年五十有五

殷張氏從九殷嘉銘之妻張子平之女十五歲歸殷三載夫故僅遺一女孀姑在堂克盡孝養擬擇嗣子以綿禮祀守節三十一年現年四十六歲

徐呂氏候補縣徐朗亭之妻呂崧屏之女十七歲歸徐三載夫故矢志靡他上事翁姑養生送死家資用盡現倚親戚度日年五十有三

固始蔣門多節婦焉蔣穆氏附生蔣如琬之妻從九穆庭禱之女歸蔣五載夫故守子少蘭磨麵度日及子成立婦亦孝順享年六十有八蔣張氏附生蔣如珍之妻從九張萬年之女歸蔣三載夫故守節享年七十六歲蔣王氏武生蔣湘澍之妻從九王金玉之女歸蔣四載夫故守節而終蔣蘇氏從九蔣湘鴻之妻從九蘇登雲之女夫故守節六十壽終蔣馬氏監生蔣裕孫之妻監生馬

鴻仁之女夫故守節教訓三子皆成立現年五十七歲
蔣李氏儒童蔣湘忠之妻從九李遜之女夫故守節而
終蔣李氏從九蔣承周之妻監生李國華之女夫故守
節家貧以鍼織度日子湘璐於道光癸卯科中經魁人
稱母教有義方焉享年六十有三卒於子教官任所

固始蔣氏亦多節女馬蔣氏武生蔣賜彤之女歸監生馬
鴻仁爲妻五載夫故守節臨終端坐而逝張蔣氏蔣廷
標之女歸儒童張葆爲妻十八日而夫故矢志守節翁
姑咸愛憐之享壽六十九歲蔡蔣氏庠生蔣如琬之女
歸儒童蔡茂春爲妻夫故守節現年六十有八李蔣氏

照磨蔣湘桂之女歸俊秀李肇奎爲妻五載夫故守節
現年五十一歲馬蔣氏監生蔣裕孫之女受從九馬廣
立之子馬長庚之聘尙未于歸而長庚病故氏矢志靡
他堅心貞守廣立憐其清苦遂迎歸焉氏奉侍翁姑盡
心盡禮現年四十佐治家政悉有條理許蔣氏舉人蔣
湘璐之姪女歸俊秀許凌漢爲妻夫故守節子二長子
冠軍入武庠次子亦成立現年六十有六

伍姚氏固始儒童伍大倫之繼室監生姚士連之女歸伍
四載夫故撫養前室子如已出家貧如洗清潔自守始
終無間

張尹氏儒士張銓之妻夫故守節上事尊嫜下撫弱息備
歷艱辛子一長廣泰補吏員次啟泰增生享年七十七
歲廣泰之妻吳氏夫故守節遺子奪錦撫養教訓以至
成立名列膠庠氏現年七十三歲

陳丁氏儒士陳鳳啟之妻監生丁玉之女十八歲歸陳三
載夫故矢志守節孝敬翁姑和睦妯娌一家之中咸敬
重焉承繼一幼女朝夕相伴苦節二十八載

呂馬氏封職馬希濂之女適固始呂三柱爲妻咸豐五年
賊圍固始呂姓舉家逃散氏負其三歲子壽康徒步奔
至固始城西四十里之小河橋力疲不能前欲投井死

其子哭於道不忍遇胞叔祖孝廉新畬公門弟子之子若孫潘生高生兩茂才詰明憐之以肩輿送至母家賊敗退後察知三柱舉家皆死於難無家可歸遂依母家寄居光州後壽康在固始與人訟未直恚甚嘔血死氏因亦仰藥死其胞妹歸呂玉柱爲妻夫故守節喪殮不繼寄居母家泊如也現年五十七歲節守三十三年待旌

馬李氏監生馬佩瑀之妻佩瑀隨胞兄翰林院檢討佩瑤寓京讀書咸豐乙卯應順天鄉試不第甫回籍疽發背死無子一女甫三歲氏矢志守節光緒丁丑夫胞兄舉

人鄭都知縣佩玖以胞弟監生佩瑩之次子三惠同族
立爲氏嗣氏女適固始庠生穆潤生氏現年五十七歲
守節三十二年待旌

屈王氏王現之女適儒童屈珽爲妻于歸八載夫故無子
以夫兄之次子金標爲嗣守節三十五年

胡孔氏監生孔憲章之女十九歲歸儒士胡毓琛爲妻結
褵五載夫故遺一子尙幼孀姑年邁庶姑遺兩男二女
亦均幼氏事姑克孝夫弟夫妹教誨衣食與所生者無
殊賢聲遠播守節三十二年

龔胡氏增生胡景之女名淑芳幼卽喜讀葩經長博覽羣

籍能文尤長於古今體詩年二十適庠生龔庭桂一載夫故家道中落上事衰翁繼姑曲盡孝養翁姑幾忘其家之貧也迨翁姑相繼歿送終悉能盡禮夫弟甫十齡遽失怙恃賴以教之育之克至成立授室之後逾年得一男氏養以爲嗣

烈婦馮張氏武生馮禹臣之妻胡張氏鄉飲大賓胡長順之妻皆舉人張慶增之姨也咸豐十一年賊匪猝至二婦逃未及寨賊欲犯之二婦正氣凜凜罵不絕口賊擬加刃二婦各抱子女投柯家塘死月餘賊退尸在水中共團一隅仍攜手抱子面目如生見者莫不流涕

梁余氏梁正植之妻監生余登泰之次女道光三年隨翁
鞏湖北應城縣之任正植病故尙未結褵余氏矢志守
貞操履冰霜四十年如一日撫養嗣子壽山成立

梁李氏入祀鄉賢李偉之次女節婦余氏之嗣媳也適梁
一載夫壽山不祿氏欲以身殉祖翁鞏曉之曰汝上有
繼姑下有嗣子養親撫孤節孝與節烈孰重氏遂節哀
茹痛矢志柏舟教養嗣子如已出事嗣姑及本生翁姑
克盡孝道數十年始終如一

張陳氏舉人陳修初之女太學生張其棠之繼室夫故守
節撫前室常氏子繼祖如已出克儉克勤親鄰有貧乏

者輒周濟之繼祖恪守母訓列郡庠任鹿邑縣訓導曲
成後學訓迪有方守城功保提舉銜氏孫嘉猷增貢生
保舉候選訓導孝友齊家皆陳氏之教也

張其權之妻劉氏于歸三載夫故誓以身殉不食者三日
翁姑勸諭始起生事送終均能依禮待僕人內寬外嚴
節儉可風年逾花甲猶紡紉不輟親族迄今猶樂道其
賢

王黃氏州民黃魁之女歸王誠爲妻甫二載夫故立志守
節撫養寡姑幼弟爲聘周氏爲妻過門三載病故遺一
子王庚運氏撫爲己嗣現已守節三十餘年

黃路氏路青年之女歸黃殿誠爲妻夫故家貧立志守節
撫養幼子黃位中黃位三黃位道均成立

喻楊氏楊春之之女喻登瀛之妻夫故守節上有六旬老
母下有二歲孤子仰事俯畜賴氏紡織供給子喻純嘏
現已成丁

張王氏張登科妻王映堂之女也歸張二載氏夫在烏龍
集陣亡氏翁年六旬子未一週事畜維艱氏夜織紡晝
拾薪甚至乞食奉養老翁至七十八歲壽終現子三十
五歲苦守二十三年

張唐氏唐文煥之女歸張銘顯爲妻十一歲適張門童養

銘顯十四歲早歿氏年十六矢志守貞誓死靡他孀姑
在堂每飯糗茹草而以甘旨奉親繼夫弟張銘達之子
立昌以接長門禋祀未及週歲立昌母雷氏病故氏卽
躬親撫育無力覓乳只調稀粥哺之現立昌年已十九
令其小本經紀氏現年四十有八

葉氏誥封中憲大夫葉苑林之四女歸儒士王楷爲妻事
姑以孝相夫以敬親族賢之楷學文未成棄而習武患
咯血症而故氏當拚以身殉念膝下無嗣同族共商繼
立夫兄舉人王渠第四子士達承祧達仍由夫兄撫養
完娶現已抱孫一女孫二氏慮年衰今已命嗣子同居

九州志 卷之十一
其爲故夫存祀苦心至固且密計守節二十五年現年
五十六歲待旌

方氏州庠方應旭之次女歸王學源爲妻當時太翁姑及
翁姑俱在堂氏恪盡婦職俱得堂上歡嗣後姑病夫亦
羸弱伺應湯藥皆賴氏左右未幾姑歿夫亦不祿僅遺
子景侯甫二齡氏教養成立孫男女今亦繞膝承歡矣
守節三十四年存年五十六歲

王夢弼妻洪氏于歸三載夫病故氏欲以身殉又念雙親
在堂幼孤在抱遂以婦職兼子職奉養無缺母教同父
教課讀有方其子王瑞暨孫王希曾王顯曾王欽曾並

曾孫王重離均入州學亦苦節之報也

馬蘇氏州民蘇從德之女馬之驥妻也歸馬一載夫故氏矢志守節事奉翁姑曲盡孝道撫繼子如己出教養成
立守節三十一年

鄭蘇氏諸生蘇葆峻之女適鄭文亮爲妻十九歲夫故守
節三十五年

上官氏光山監生朱道輝繼室監生上官利清之女也氏適朱五年而道輝故前室遺子樹榮僅七歲氏教養成
立外人不知其非親出也咸豐六年歲荒氏出粟賑親
族賴以存活數十餘家現年六十有七節守已四十餘

年

儒士宋椅妻監生王聖周之女也歸宋不逾年而夫歿歿之三朝氏晨興供飯撫柩悲痛入室自經氏胞兄庠生王魁武爲之請旌建坊

儒士羅榮妻陳績之女也歸羅八載而夫歿家計艱窘遺三子氏經營撫養均克成立並教孫曾紹績書香歿年七十四歲待旌

羅陳氏監生陳熙女許字於羅朝聘爲室卽羅榮子媳也氏未歸而朝聘卒訃音至陳氏聞之飲食俱廢者累日哀慘誓不獨生家人勸諭不解氏飲葯繼以自經其柩

殞於朝聘之墓

羅孟氏武生孟蘭輝長女適羅保泰爲妻孀姑在堂賢孝
素聞夫歿僅遺女息氏卽欲從夫地下又念孀姑無依
遂含茹苦辛仰事俯畜守節三十二年存年五十六歲
待旌

陳祝氏固始人安徽縣丞祝士芬之三女陳繼祖之妻望
門守節翁陳肇

劉舒氏監生舒珊之女劉秉鐸之妻歸劉月餘夫故卽去
環鋤矢志靡他奉養翁姑俱以上壽終嗣子劉建藩撫
養教訓已列膠庠氏現年七十歲苦守五十餘年

梁喻氏監生喻華勳之女歸梁天增爲妻未三載而夫故
僅遺一子名家修時在襁褓家貧如洗翁姑在堂事奉
尙能竭力迨翁姑歿送終亦能盡禮教子以慈代嚴家
修亦遵母訓漸能謀理生業氏現年五十二歲守節三
十二年

詹劉氏詹汝恒妻結褵五載夫病故遺子德全德錫德佩
俱幼而且家貧親老上事翁姑下撫弱穉守節三十餘
年三子俱成立孫熙鐸身列膠庠皆節孝之報也

王周氏儒士王兆麟妻夫亡守節上事翁姑以孝聞現年
六十歲

萬陳氏陳奇之女歸萬正爲妻八載夫故遺子朝君朝輔朝瑞年俱幼上有翁姑老朽不能耕作氏督課農功不至凍餒迨翁姑去世喪葬盡禮三子俱成立孫曾滿室享年八十二歲守節五十餘年

張葉氏儒士張應中之妻夫亡家貧翁姑俱老二子尙幼氏苦守五十一年仰事俯畜一人任之享壽七十七歲陳馮氏儒士陳汝松妻年十九夫故立長門子陳才有爲嗣其二房亦乏嗣課讀成立幸得三孫可以延三門之禮祀

黃宋氏黃泌之妻年十九夫故遺子黃居敬甫週歲窮年

辛苦迨子娶婦陳氏舉一孫而居敬又妯氏喪子是悲
抱孫爲喜守節三十九年臨終而遺念深矣其媳陳氏
仰體姑心堅矢己志養生送死盡禮盡心迨陳氏子炳
越成立娶妻李氏將及三載忽又夭折李氏無嗣亦能
守志其姑陳氏曲成婦志爲立繼嗣以承禋祀李氏事
姑孝敬治家勤儉教子攻讀人皆賢之冰霜重凜瓜瓞
長綿三世節孝族黨有光矣

侯王氏儒士侯致祥妻家貧夫故遺子甫週歲上有翁姑
事畜維艱迨翁姑逝世尙能喪葬如禮遺子成丁而又
天殂不得歸依娘門終守焉時年六十有六

主周氏監生周璞之女適王家麟爲妻結褵五載夫故僅遺一子嗷嗷待哺未及二載子又殤卽欲從亡人于地下又念上有朽姑無人侍奉所以苟延殘喘婆媳相依爲命詎意年歲荒歉必須各自謀生婆爲人傭工氏往依娘門全賴針黹度日歲暮指凍不辭勞瘁後立姪仲遠爲嗣婆終送葬尙能盡禮又有弟婦傅氏苦節奇特一門稱雙節焉

嚴劉氏儒士嚴映鶴之妻夫歿後氏守節教子應試累取前茅未得售而子又亡有孫嚴其威嚴其儀先後入學皆氏教訓成立歿年八十餘

程張氏儒士程煥章之妻從九程贊唐之母也十九歲于歸生二子一女二十八歲守節一門孝友眾口揄揚年逾古稀猶極康健

朱穆氏朱國慶之妻穆相年之女二十歲適朱夫故守節上奉翁姑下撫子女歿年七十餘

楊穆氏儒士楊成林之妻穆景罄之女十九歲歸楊家貧夫故氏勤紡績上事翁姑下撫繼子歿年七十二歲

劉氏儒童朱顯一之妻年二十七夫亡遺腹九月生一男矢志守節事翁姑以孝聞教其子以義方嘗曰爲人可
以不積財不可不讀書子朱運觀已入學現年七十有

二

丁張氏吏員張樂三之女適從九品丁毓秀爲妻家貧夫故矢志靡他姑嫜在堂養老送終悉能盡禮教養幼子丁德運誦詩讀書亦克成立守節三十餘年

張潘氏儒童張德彥之妻監生潘青峰之女夫故守節事翁姑克孝遇有疾病虔禱靡已撫子張兆鳳教以詩書節守三十餘載

黃趙氏趙普之女適黃士友爲妻夫故守節事姑極孝姑多病每逢朔望除夕齋戒虔禱祝求永年苦節四十餘載壽七十無疾而終子孫滿堂曾孫登賢書

張萬氏張景祿之妻夫故家貧上事六旬孀姑自受飢寒而不忍致其親凍餒迨姑歿求告親鄰始將其姑安葬其困苦有不堪言狀者

蘇王氏蘇景章之妻夫故孀居事翁姑則孝養克隆課兒孫則耕讀並勗享年九十二歲

黃徐氏係甯陵縣監生徐東旭之女于歸州民黃訓爲妻家貧夫故上有朽姑林氏在堂下有孤子黃壽祺一人仰事俯畜勞苦終身焉

烈女雷氏庠生雷正化第四女許字於儒士趙德熙爲妻光緒九年冬月德熙病故女聞訃卽望門空拜欲以身

殉家人勸解莫能奪志杜門不出百日後飲藥而亡

黃張氏增生張啟泰之女適黃三畏爲妻歸黃六載夫故
上有翁姑奉侍必謹下遺二子撫育維艱仰事俯畜竭
力盡心二子亦均成立守節三十三年現年五十三歲
孫李氏監生孫家瑞繼室典史李奉濂之女結褵三載夫
歿前室遺子甫踰三週鞠育懇至不啻所生上有祖姑
在堂年近八旬奉侍勤勞先意承志送終盡禮人無間
言守節二十六年現年四十有二

王喻氏監生王止仁之妻府經喻紅雲之女也二十五歲
夫故守節遺子王慈愛教訓成立現年五十七歲

吳任氏縣丞吳宜生之妻監生任爲榛之女三十二歲夫
故守節子吳祖曜已入庠現年五十四歲

吳柴氏庠生吳振濂之妻候補同知柴廷颺之女二十一
歲夫故守節子吳臨之任江西餘干縣知縣

余和氏儒士余化龍之妻二十五歲夫故家道赤貧一子
二女氏以紡績撫養辛苦備嘗享年八十二歲孫余炳
塋亦成立

王彭氏庠生王朝班之妻結褵三載夫故二十一歲守節
享年八十有七五世同堂

李張氏儒士李學之妻二十一歲夫故苦守終身享年八

十有三五世同堂

羅吳氏監生羅象垣繼室湖南典史吳慶霖之女也年二十歸羅未半年夫故前室李氏遺二子羅喜泰履泰俱在髫齡氏恩勤備至撫同己出皆援例入國學孫延賞亦入泮

劉王氏儒士劉德元之妻王傑之女夫故守節家貧如洗繼子早夭夫兄劉正元憐而養之兄嫂故後氏撫姪附生映奎監生映翰廩生澍植成立享年七十三歲

吳蘇氏儒士吳汝舟之妻蘇本直之女夫故守節時生繼之翁姑俱在堂家業中落氏勤儉自持兩門侍奉一力

任之子四人教以義方長近智任安徽天長等縣頗有政聲次從九品近仁三儒士近義四附生近禮

易閔氏光山人閔鏞之長女易正臨之妻十六歲歸易未三載夫故上事翁姑克全孝道撫教孤子易子翼入邑庠守節六十四年

王傅氏儒士王家駒之妻庠生傅淩雲之女十九歲歸王結褵三載夫故氏慟不欲生又念孤子方週歲上有朽姑乃紡績織衽仰事俯畜姑歿營葬尙能盡禮子王龍章守己安分不幸又故遺孫各三連時方八歲雖謀食維艱而必爲三連數給餽粥教之誦讀苦守三十餘年

待旌

詹劉氏劉國士之女歸詹淮爲妻二十三歲夫亡守節事姑盡孝一子名德全十五歲天亡氏痛不欲生娘門胞弟劉源接回守節三十餘年

徐岳氏徐殿颺之妻耆民岳廣福之次女十九歲歸徐三年夫故遺一子徐廷杰尙未週歲上事繼姑日夜織紡姑得終養子亦成立苦守三十餘年待旌

王宋氏王誥之妻宋玉龍之長女十九歲歸王夫故遺子王廷蓀朽姑在堂氏奉姑終養撫子成人苦守四十餘年現年六十九歲

劉楊氏儒士劉錦貴之妻十八歲歸劉未一載夫卒氏欲
以身殉翁姑諭以無人侍奉終身無依氏乃苦守及翁
姑病氏侍湯藥衣不解帶者數月比棄世盡禮盡哀鄰
里咸稱道焉氏無所出其夫胞伯之子幼而失怙氏爲
撫養爲之婚娶現已生子可以承祀矣

左氏儒士張文蔚妻章氏廩生張金鶴妻夫故守節其凜
冰霜各撫藐孤左氏子慶餘太學生張氏子慶增咸豐
己未舉人兄弟皆髫齡失怙天性純厚唇齒相依及壯
餘獨理家政勤勞備至勸弟增讀書弟亦勵志登科後
大挑二等銓嵩縣教諭以書法擅名孝友素著作有懷

兄詩並兄弟少孤詩文稿詩稿待刊

王氏張繼美之妻卽慶增長媳也夫故不食數日殉夫而死可謂節孝烈義萃於一門矣

呂氏儒士張有度之妻庠生張大經之子媳也夫故遺子二長甫三歲次未一週家貧苦守勤於針黹佐翁姑養膳之資翁歿氏典簪珥爲具衣衾棺槨親族稱爲知禮二子因貧棄儒生理氏常教以忠厚爲人無忘先人遺訓焉

秦龐氏監生秦樹之妻前遂平縣訓導龐俊升之女歸秦甫一年夫故遺子九齡方一月祖翁姑暨姑陳氏俱在

九
堂氏善事之能得歡心及祖翁姑歿送終盡禮親鄰有
貧窮者及不能嫁娶者常調濟之姑陳氏病侍奉湯藥
寢食俱廢及歿附身附棺之事悉能如禮子九齡稍長
延師課讀不幸弱冠而夭氏爲之擇子承嗣家道賴以
不墜

柳熊氏柳春林之妻年十九歸柳數年夫故上奉翁姑下
撫幼子桂元養生送死均能盡禮子亦成立守節四十
餘年現年七十餘

劉方氏儒士劉露孟之妻夫故無嗣誓不欲生翁姑力勸
乃忍死守節勤事翁姑送終亦能盡禮苦節三十餘年

而歿

劉李氏儒士劉桂錫之妻年十八歸劉未及一載夫亡氏本官家女通曉大禮事翁姑以孝待妯娌以和立姪春田爲嗣愛如己出守節四十餘年而卒

周葛氏固始周庭芝之妻年二十一夫故僅遺幼女孤苦無依仍回娘門賃房居住閉戶紡織教女有方閨門肅然苦守至今四十餘年

周馮氏儒士馮展之女庠生馮相時之胞姊儒士周尙文之妻夫故欲以身殉死者數次舅姑勸諭遺孤在抱事蓄無人勤苦自守及舅姑歿喪葬盡禮不幸子又死苦

節三十餘年而卒

陳唐氏唐殿元之女陳東福之妻年十七適陳甫四歲夫故遺子二希顏方三歲希曾方五月翁姑衰老家貧斷炊氏紡織苦守事育維艱及翁姑俱故送終尙能如禮爲二子婚娶長子生孫其昌次子生孫其中俱幼讀現年六十七歲守節四十七年待旌

蕭吉氏吉志祥之女歸蕭士林爲妻甫二載夫故子女俱無士林臨終囑其改嫁而吉氏矢志守節翁姑年邁氏盡心奉養迨翁姑病臥在床晝夜扶侍將近一年而翁姑俱亡氏將房屋出賣具備衣棺每日謀食維艱自勤

紡織現年五旬有餘待旌

夏官之妻夏張氏早寡守節年七十五歲賊匪至氏孫被擄遺氏在家氏見賊卽罵觸怒賊黨細綁拋水及氏孫逃歸屍已浮於水上

杜禎光州黃寺岡保人遇匪傷斃其妻杜張氏夫亡守節子僅二歲稍壯又殂一身孤立貧困益甚有同胞妹自幼貞淑因兄弟相繼早故二親無依慨然以扶老爲己任誓以永不適人冬間宵小夜警二女遷處一室日夜操作勤苦備至

黃張氏黃子卿之妻從九張廷魁之女在湖南分州張昌

運之胞妹湖北縣丞張昌太之胞姊歸黃六載夫故守
節庶姑在堂繼子黃之芬尙幼家貧無依因同庶姑依
娘門度日

呂聞氏呂振清之妻聞宗華之女歸呂七載夫故家貧如
洗翁姑棄世竭力安葬子肇文尙幼氏以紡織爲撫養
計子亦成立現年六十一歲守節三十六年待旌

羅蕭氏監生蕭樹聲之女歸羅家彥爲妻夫故守節二子
尙在懷抱撫養教訓以至成立節守三十一年現年五
十三歲

壽婦王梁氏庠生梁祐之次女十六歲于歸童生王體仁

爲妻二十歲夫故守節撫孤王慈民成立現任安徽廬州府經歷氏現年七十八歲五世同堂親見七代安徽巡撫奏請

旌表奉

恩准賞給七葉衍祥匾額

貞女胡氏光州人四川候補知府胡均之長女也幼許字固始禮部尙書祝慶蕃之孫峻望胡氏父官蜀峻望往贅焉途中船沒於水久之不至家人有所聞每竊竊私語胡氏疑之然未得其確也年餘實得凶耗共祕之胡氏愈愕然朝夕私泣飲食俱廢其父母疑有人洩之微

以言相諷探其意胡氏素慧知所疑者已信矣痛哭陳大義誓必往祝門奉養翁姑且曰祝爲兒死兒寧獨生一語未畢血淚俱下父母知不可移姑許之未幾胡氏恐有變累泣言之辭婉意決令人憐敬不忍相拂同治甲戌遂過門抱主成禮見者悉垂淚太息焉事翁姑曲盡婦道娣姒之間尤能和睦夫家無老幼咸親敬之後二年養夫兄之子宗駒爲嗣宗駒甫離乳又弱善病湯藥調護備極辛苦迨稍長體亦漸壯胡氏慈愛之中教必以嚴識者曰吉人天相貞女必有後也經前御史現任江西布政使李奏請旌表

貞女楊氏光州儒士楊大來之女幼許字江西鹽法道王
嵩齡之子豫立乳名德潤爲室尙未成婚同治十一年
豫立染疫疾而卒兩家舊係姻眷時相往來貞女年甫
十七聞訃毀容痛哭誓以身殉家人晝夜環守兩家定
議過門守節侍奉舅姑克盡婦道里人稱歎光緒五年
經前御史現任江布政使李奏請 旌表

石胡氏係胡觀之女石珩之妻道光十年于歸石門十二
年夫故苦守三十餘年

吳馮氏係馮聖恩之女武童吳學成之妻咸豐八年于歸
吳門氏二十一歲夫故守節二十九年現年五十歲

陳馮氏係馮宣之女陳東林之妻咸豐二年于歸陳門六年夫故苦守三十五年現年五十四歲

張王氏光州監生王映堂之女張登科之妻于歸三載咸豐六年夫從戎在烏龍集陣亡氏苦守三十餘年

烈婦鄭金氏自十七歲歸陝西候補同知鄭寶珩爲妾事嫡致敬盡禮戚黨稱賢寶珩從戎出關凱旋行抵肅州於光緒十二年五月初二日病故該氏聞信痛不欲生典質釵環竭力摒擋迎喪到陝命子扶柩歸葬於九月二十六日仰藥畢命

郭王氏夫亡守節志凜冰霜上侍九旬婆母下撫藐孤成

立嘉慶二十五年己蒙旌表長子璜字廷璽太學生次子瑤字廷臣道光元年恩貢值道光十三年歲大荒兄弟捐粟傾囊賑濟倡首勸捐一鄉皆賴保全至今鄉黨稱義士焉

羅郭氏儒士羅廷蘭之妻幼嫻姆訓長守女箴咸豐十一年春正月捻匪從東方來大肆虜掠氏倉皇出門意欲進城逃避不料走至小閭河被圍不得出氏恐爲賊污遂投圍溝而死

李鄭氏係汲縣訓導鄭相南之女子歸儒士李嘉鼐爲妻結褵四載年十九歲氏夫病故遺子李鑑尙在襁褓氏

上事翁姑撫育幼子矢志苦守現年五十二歲

葉蕭氏係蕭芬之女葉福源之妻十七歲于歸結褵四載夫歿矢志節守朽姑在堂曲意承歡克盡婦道姑卧病氏親侍湯藥衣不解帶者四十餘日姑歿後葬祭皆克盡禮現年五十歲守節三十載

監生葉崇禮妻方氏夫歿氏事姑撫孤孝慈兼盡咸豐十一年正月捻匪擾境氏聞信卽倩人將姑與孤送逃只餘一女年十七與己守家匪至氏携女同赴水死

童生葉福泰妻蕭氏年十七于歸踰年夫故生一女數月亡氏奉姑撫姪守節自誓現年五十一歲

童生張其權妻劉氏息邑庠生劉應離之女年十八適張
隨舅姑赴涪川廣文任伯兄筮仕山左嫂偕行氏獨任
中饋孝養無間言夫以攻苦構疾回籍就醫氏百計調
護經年無效遂不起氏誓不獨生水漿盡却戚族勸曰
汝翁姑春秋高且在任汝死二子將誰倚耶氏乃強食
治喪事皆井井不意二子又相繼殤童烏並逝痛矣難
言於是作家書請尊章稱疾回里未幾姑卒於家翁亦
無疾而終氏一青年鰥婦卜牛眠營佳域盡哀盡禮鄉
人至今稱之歿年四十七歲守節二十三年

余秉勳妻郝氏同里吏員郝維祥之女年二十一適余七

載而寡菽水承歡鄉黨稱孝歿年五十八歲守節三十
年

監生余圖南妻萬氏光山縣生員萬德模之女年二十一
適余家貧早寡事姑嫜以孝聞歿年五十八歲守節二
十九年

余登泰妻張氏同里張國選之女年十八適余家徒四壁
無擔石之儲氏以翁姑衰病勤女紅供甘旨二老喜得
賢婦早寡遺雛定清尚在襁褓氏提攜鞠育矢志靡他
歿年五十四歲守節二十五年

余登祿妻段氏同里段文禮之女年十七適余二十三歲

守節

童生郭固爲妻張氏同里副貢張楠齡之女年二十一適郭翁姑具在氏翁增生瑞森舌耕餬口夫亦負笈遠游菽水承歡喜諳姑性未幾夫卒姑知有遺腹也勸氏弗殉越三月舉一子翁姑喜曰子雖喪差幸生孫郭氏不至作若敖矣後二老謝世氏鬻簪珥以營喪葬子漸長授室生孫氏始有喜色不意子又早卒與孫二人相依爲命其拮据荼苦有不忍言者守節三十四年

陳世明妻仇氏同里仇顯之女先是翁姑令諸子析居以覘勤惰氏廬於舍外日爲二老洒掃執炊始終不倦姑

病不離床褥氏侍奉湯藥獨任其勞與妯娌較里人至今稱之守節四十年

劉體仁妻喻氏同里喻逢吉之女年十九適劉家夙寒素堂上龍鍾氏井臼躬操甘旨未嘗少缺早寡無子立姪玉連爲嗣孝養翁姑始終無間守節四十一年

崔鳳翔妻陳氏同里陳倫之女年十六適崔倡隨八年夫故親老子幼釜甑生塵卒能慈孝兩全子漸長成授室生孫守節二十九年

王韶妻丁氏同里丁文貴之女幼失怙恃童養夫家年十九成合登禮家赤貧無擔石儲氏操井臼勤紡織蓬首

垢面終無怨色越六載夫故有女無子日不一炊或有
勸其再醮者氏厲聲曰甘苦命也我雖命薄豈事二夫
者哉或慙而退後與幼女拮据度日守節二十六年

童生柳煥仁妻劉氏同里劉明漢之女年二十適柳九載
夫故承堂上命立胞姪爲嗣仰事俯育里人稱孝慈焉
守節三十三年

監生張秉睿妻曹氏同里曹彥之女年十七適張翁歿姑
存善養志夫故遺二子率勤鞠育教以義方後子成立
家道蒸蒸日上遠近稱賢能焉守節二十八年

童生張文蔚妻左氏同里左天佑之女年十八適張夫以

攻苦積悴七載而寡一子甫襁褓氏朝夕號泣痛不欲
生翁姑再三慰藉乃強作笑言其善體親心類如此惜
不永年歿時四十歲守節五十年

童生馬驍妻劉氏同里監生劉經發之女年二十適馬越
七載夫病不起其時翁姑皆花甲遺雛甫襁褓仰事俯
育惟氏一人是賴子名紹武幼穎悟工詩古文詞長精
岐黃心存濟世所謂不爲良桐當爲良醫也女一適訓
導馬希瑟孫劬早歲采芹節孝之報有歷歷不爽者歿
年七旬守節四十七年

馬美妻馬氏同里吏員馬之龍之女年十九適馬性賢淑

父母特鍾愛之于歸後尤得舅姑歡心惜賦命不辰青年早寡當夫病革時水漿盡却誓相從於地下轉念親老子幼擔重千鈞乃強延旦夕可謂深明大義者矣歿年八十八歲守節六十年

童生毛宣妻鄔氏同里鄔有成之女年十六適毛早寡遺二女無子奉堂上命立姪際豐爲嗣及冠授室不意子姪俱夭氏與幼孫文彪孤苦伶仃相依爲命其阨窮殊可憫也歿年六十六歲守節四十三年

監生沈玉琢妻袁氏固始袁家珊之女年二十適沈事孀姑以孝聞夫卒遺三子家本寒素氏教以耕讀後皆成

立里人賢之歿年四十七歲

童生丁瓊妻楊氏同里楊建之女年十七適丁姑嫜在堂承歡悅膝夫故子尙幼事無鉅細稟命而行有大家風範焉歿年六十九歲守節四十二年

張學謙妻余氏同里生員余士傑之女年十八適張七載夫故家計中落氏負耒荷鋤不辭勞悴不然老親稚子無以自存矣歿年五十四歲守節二十九年

童生張瑀妻周氏光山縣周運和之女年十八適張早寡孀姑垂暮三子垂髻氏勤紡織供旨甘課子讀書幾同嚴父後三子或列成均或精岐黃或應童子試金友玉

昆方輿未艾天蓋以蔗境報賢母也歿年五十七歲守節二十九年

熊明海妻顧氏同里顧誼之女年十七適熊姑於晚歲得夫弟入夢乳水不足氏分子乳以哺之夫卒矢志冰霜後入夢采芹後氏始病故里人傳爲佳話焉歿年五十七歲守節二十九年

童生馮家泰妻王氏固始王錫官之女年十八適馮事舅姑先意承志伯嫂故遺雛尙幼氏鞠育如已出夫病日夜禱天願以身代乃竟不幸無子立胞姪爲嗣歿年四十一歲守節十三年

朱得意妻陳氏同里陳敏之女年十七適朱四載而寡家貧甚往往炊烟不舉舅姑屢試其志氏獨耐飢寒堅同金石翁故事姑視翁在時尤謹旋立胞姪桂馨爲嗣百計羅掘修羊使就外傳真巾幗而鬚眉者也歿年五十四歲守節三十三年

烈婦周甕氏息縣增生甕祝三之女本州童生周誥之妻也年十七爲周家婦寒土生涯青氈一片氏翁周鳳山以舌耕餬口氏夫隨焉氏晝耕夜織遍歷苦辛絕無怨色未幾夫卒於家誓以一死明志轉念尙有遺腹姑留殘軀爲禋祀計逾月果舉一子氏私喜曰我夫有後矣

胡天不弔子未週歲而殤氏於其時有死之心無生之氣矣遂自經而絕時當酷暑蚊不敢近殮時顏色如生年二十六歲

王業顯妾徐氏十八歲過門二十一歲守節嫡無出氏生一子尙在襁褓兩人互相提攜漸至成立事姑亦以孝聞

童生吳持之妻武氏二十四歲歸於吳家貧夫讀書不輟不善理財藉氏十指佐薪水夫患漏疾百計調理脫簪珥購藥物終無效年二十六歲守節

童生朱瓊妻謝氏本世家女幼習經史深明大義十八歲

歸於朱極得重闈暨堂上歡心年二十九守節一子二女及時婚嫁里黨賢之

童生黃釗妻劉氏本州廩生劉惕女也二十歲歸黃二十九歲守節哀翁年逾七旬幼子未滿三載卒氏養生送死賢孝之名受之洵無媿色矣

童生鄧萬清妻嚴氏二十二歲適鄧越六載夫故時堂上哀病夫弟甫成童又值歉歲氏藉十指以供饗殮惜年老無嗣哀哉

童生戴觀爲妻吳氏十七歲歸戴二十歲守節孤雛寡鵠坎珂終身

童生劉尹方妻崔氏湖北江夏縣候選知州崔璘之女也
年二十適劉時翁劉鯤南授貴州甕安縣知縣全眷之
任未二載翁卒於官兩袖清風一貧如洗無力扶櫬獨
眷屬返里家無立錐地賃廡而居時值隆冬冰天雪地
夫抱沈痾房主下逐客令屏夫婦於戶外氏扶夫棲鄰
人破簷下自着單衣解棉衣易藥石療夫疾未幾產一
男身無寸縷卧地數日死夫亦凍餓尋卒傷心慘目何
以生爲正欲自盡適葭葶憐而救之送歸母家苦節終
身

張步鸞妻童氏十八歲適張越七載夫故子甫三齡劬勞

州志 卷之十一
鞠育居然授室生孫矣不料中年而後子若孫相繼而
殤煢煢無依見者傷之

童生王殿輝妻彭氏十八歲適王甫一年夫故距夫歿九
日產一男教育成人姑尙健在孝養無虧

童生黃自眇妻傅氏歸黃七載氏年二十四守節子甫及
歲未幾又天奉翁姑命立堂姪獻章爲嗣里黨稱賢孝
云

生員王有聲妻羅氏二十一歲歸於王鷄鳴戒旦發憤讀
書翁姑喜得賢婦踰二年夫一病不起孤雛甫彌月仰
事俯育一身兼之

周九皋妻蘇氏十七歲適周事繼姑以孝聞越十一載夫故子才週歲氏勤儉操勞數十年如一日嗣後四世同堂僉謂節孝之報云年七十有八

童生張端妻劉氏十五歲歸於張家貧氏安之若素越四載夫故無子祇一如慈姑在堂孝養未嘗少缺云

童生楊紹先妻高氏十六歲適楊妯娌三人翁姑以婦孝且賢命治家井井有條蒸蒸日上二十八歲守節撫子成立且娶媳生孫矣未幾子殤媳亦冰清玉潔云

童生楊臺妻余氏十七歲適楊越四載守節翁姑特愛憐之無子以夫姪立德爲嗣

童生程鳳章妻李氏十五歲適程家本寒素氏盼夫成名
絕不以貧爲嫌越五載夫故當含殮時氏以首觸棺血
流如注翁姑勸以大義乃得不死有女無子立夫姪以
承禋祀

汪注妻杜氏十八歲適汪深明大義夫有兄當分居時兄
以田之膏腴者歸己歉薄者給弟弟意不平氏曰兄弟
手足也一涉計較卽致參商烏乎可遂爲兄弟如初時
年七十有三

涂嘉謨妻徐氏十九歲適涂二十歲守節有遺腹距夫歿
四月幸舉一子後成人授室里黨稱之

童生劉光敏妻張氏十七歲適劉二十九歲守節養親教子賢孝可風

童生彭孟元妻任氏十八歲歸於彭夫病三年氏百計調和始終無倦容二十五歲守節無子誓不獨活翁姑爲之立嗣後以孝慈推重鄉里

童生彭乾元妻余氏十八歲歸於彭越四載遽失所天時長子三齡次僅六月依翁姑孝養以終

童生楊瑞芝妻熊氏十六歲適楊六載而寡翁姑哀年子尚襁褓守節以終

羅銘妻孫氏十七歲歸羅七年夫故無子以翁姑在堂不

忍從夫地下

孫灼妻季氏本州季恒之女年十七爲孫家婦事姑如
事母米鹽淩襍悉身任之不欲煩姑心也娣胡氏亦賢
一門雍睦里黨稱之未幾伯仲早世妯娌同志守節奉
慈姑以終天年

徐培元妻王氏本州王殿傑之女年十七歸於徐親操井
臼極得慈姑歡心倡隨甫一年夫遽不祿酸風苦雨以
終其身

童生劉敏政妻曾氏本州曾明道之女二十一歲歸於劉
翁姑稱孝娣姒稱賢二十六歲守節

趙珍妻余氏本州余善之女二十三歲歸於趙家無恒產
耘人之田以餬口氏披星戴月終日耨鋤不輟翁姑喜
曰此我家健婦也未幾夫故氏年才二十五歲仍以耕
織供堂上餐柏舟矢志始終不渝

黃尙德妻趙氏本農家女生自田間頗明大義十九歲適
黃事翁姑如事父母無何夫疾氏焚香默禱願以身代
及夫彌留之際氏欲先夫而逝族中有老母者責以親
老子幼必不可死情詞慷慨聲淚俱下卒能回其死志
奉翁姑以終天年守節之歲距于歸才五載耳

和錦妻蕭氏二十一歲適和家赤貧氏無怨色堂上甘旨

惟女紅是賴越七載夫故一子一女均在襁褓未幾椿
萱凋謝蘭蕙摧殘形影相依孤悽萬狀然其境愈苦其
志愈堅

童生沈貴妻余氏年十八贅壻於室因父母無嗣將以半
子而延一脈也越十載氏寡子幼母哀兩家不絕如縷
且貧甚恒不舉火氏日夜操作俾老幼無啼號聲氏則
吞聲飲泣常每飯不飽也暮年孫曾滿前方興未艾僉
謂節孝之報云

楊軒妻徐氏二十一歲適楊得舅姑歡心越四載夫故事
親教子里黨稱賢

劉鴻祿妻徐氏舊家女也早寡矢志柏舟長齋繡佛里人咸欽敬之守節二十九年

杜榮妻萬氏十六歲歸於杜夫久病不離牀褥中饋事氏悉任之早寡子甫週歲勸翁續絃未允後子稍長命日夜侍翁側藉慰孤悽其能先意養志大率類此

童生張林芳妻鄧氏本州庠生鄧新芝之女年十八歸於張姑多病調羹煮藥日久未嘗生懈甫二年夫亡立堂姪爲嗣以續大宗禮祀小叔樹芳漸長氏爲成室里黨稱賢孝焉歿年四十二歲守節二十二年

監生劉鴻謨妻胡氏固始縣庠生胡學先之女年十九歸

於劉先是鴻謨出繼胞伯爲嗣氏于歸後扶持白髮兩
得歡心越九載夫故孤雛尙幼且有遺腹逾月舉一男
氏劬勞鞠育教子讀書試輒前茅惜數奇不售後氏遭
母喪訃音至一慟而絕其至性過人有如此者歿年五
十九歲守節三十一年

童生馬芳妻胡氏羅山縣副貢胡作霖之女年二十五適
馬其時夫已抱病數年過門後親侍湯藥柰疾不可治
結禱數月遷賦離鸞旋奉舅姑命立胞姪效楠爲嗣能
讀父書試輒冠軍皆氏之教也歿年六十二歲守節三
十七年

童生吳銳妻李氏本州監生李洪德之女年十七適吳越
九載夫故氏善事舅姑迺得含飴弄孫婆娑行樂後長
子躬耕奉母次子蜚聲黌序以報春暉云歿年六十九
歲守節四十三年

生員余鵬程妻李氏光山縣武生李炳膺之女年十八適
余稚髻而前躬操井臼翁姑語人曰此吾家賢婦也未
幾夫亡有二女無子旋立姪爲夫後藉免若敖之病焉
歿年六十歲守節三十五年

童生王玳妻丁氏本州丁舉之女年十七適王夫以雪案
螢窗積悴而逝氏慟絕數次每祭必祝曰妾之不以死

殉者後嗣未立耳尋立胞姪殿揚爲嗣亦能發憤讀仰承先志氏哀毀過甚不永於年歿時三十五歲守節十三年

童生王朝貴妻胡氏本州胡均之女年十七適王翁早逝姑已垂暮氏孝養承歡伉儷亦篤無何夫故無子只一女迺立胞姪王敏爲嗣敏才三歲氏珍愛逾恒及長督課綦嚴故應試輒冠童子軍氏之教也歿年四十二歲守節二十一年

童生朱福妻魏氏本州魏明蘭之女年二十適朱先是翁好善樂施地方義舉無不捐金首倡州牧兩旌其門家

漸中落氏勤女紅以助不給夫亡孝養尤得歡心後子亦成立克承堂構此積善之報亦苦節之報也歿年七十九歲守節五十年

曹瑄妻陳氏同里陳璽之女年十七適曹家貧早寡温席扇枕惟恐二老弗適雖菽水有餘懼焉子女長成婚嫁及時里黨咸欽敬之歿年七十一歲守節四十七年

李珍妻朱氏同里朱得福之女朱赤貧氏九歲卽童養夫家年十八合昏孝事重闈歡承二老戚族嘖嘖稱賢未幾夫亡子尙襁褓家益貧積勞成疾歿年四十一歲守節十八年

童生徐陞妻王氏同里王定海之女年十九適徐事舅姑如父母無何堂上謝養夫亦不祿寡鵠孤雛相依共命又以居非仁里效孟母三遷攜子依於舅氏稍長還家授室子又不祿及孫完姻幸得曾孫孫又暴亡三代罄居天胡不弔斯時徐氏不絕如縷迨曾孫成立少慰苦心歿年九十歲守節六十年

童生沈夏妻晏氏家貧早寡而善事老親有子不承於年孫漸成立聊慰孤悽守節四十一年

童生魏建章妻程氏早寡家無擔石而堂上甘旨未嘗少缺守身如玉卽妯娌亦罕見其歡笑訓子甚嚴不以孤

兒稍假辭色守節五十四年

陶士彥妻劉氏同里劉藻之女年十九適陶家貧晝則耕夜則紡績未嘗以貧故事人不謹舅姑以得健婦爲樂夫故子僅週歲矢志靡他焉歿年七十五歲守節四十六年

童生徐燦如妻鄭氏同里鄭敏之女年十八適徐閱七載夫亡無子翁姑年皆邁家徒四壁無以自存或有勸之嫁者氏泣曰二老將誰倚耶卒無二志歿年六十一歲守節三十六年

謝銓妻徐氏同里徐培源之女年十八適謝家無薄產耘

人之田以自給夫故家益貧舅姑年邁又無子女氏菽水承歡婉愉侍奉二老若忘其爲無子也者後二老壽終氏負土營葬尋以憔悴而卒謝祀遂絕人多哀之歿年四十一歲守節十七年

張廣濟妻吳氏同里吳大紳之女年十七適張伉儷甚篤舅姑亦愛憐之無何夫故無子立叔子爲嗣歿年五十歲守節二十六年

童生胡玉書妻童氏同里童國朝之女年二十一適胡勸夫勤讀家事悉身任之不欲以內顧紛其心也奈積學未遇不承於年其時堂上龍鍾諸叔幼穉氏承顏悅膝

並勉勵諸叔發憤讀書後小叔肄三早采芹香實氏督課之力也歿年五十六歲守節二十七年

孫春妻胡氏同里胡作哲之女年十六適孫翁早謝世姑孀居氏隨長嫂季氏操井臼供盤匱一堂聚順其樂融融未幾伯故又三載夫亦故氏無子只一女同嫂氏矢志守節孝養慈姑並課姪耕作人稱孫氏一門三節云歿年四十八歲守節二十三年

江玉章繼妻孫氏同里孫濟之女年十八適江前室生子甫週歲氏愛若己出尋生二子未嘗偏愛鄉里以此重之夫故高堂遲暮穉子伶仃白髮黃童惟氏十指是賴

歿年七十五歲守節四十八年

童生孫顯宗妻邱氏同里邱懷之女年十八適孫先是嫂氏事舅姑至孝迨氏入門相得益歡未幾夫故嫂無所出立氏長子熙庚爲嗣後熙庚蜚聲庠序次子文定半耕半讀一門稱孝友焉歿年六十一歲守節三十四年汪寬妻喻氏同里喻璋之女年二十一適汪事舅姑有孝名荷鋤負耒與夫並耕夫故無子又無猶子煢煢一身里黨哀之歿年七十五歲守節四十九年

王鐸妻程氏同里程碑平章之女年十五適王十八而寡夫故數月舉一男翁姑命名昌後仰事俯育數十年如一

日歿年五十五歲守節三十七年

余恭繼妻劉氏同里劉存信之女年二十歲適余家無恒
產傭工度日夫故親老子幼拮据荼苦有不忍言者天
故厄之以成其志與歿年五十歲守節二十四年

劉淮妻劉氏同里劉國士之女年十九歲適劉家貧早寡立
姪爲嗣薪水不給機聲往往達旦教子耕讀稱淳謹焉
歿年六十歲守節三十一年

武童和德元妻孟氏同里孟榮之女年十八適和翁早謝
世慈護在堂盤匱之奉惟恐未諳姑性夫學書不成退
而學劍家計中落有姊丈羅錦章者宰江西餘干縣氏

夫奉兄命往投之未及歸護花頤謝聞訃星奔常以未獲終養爲恨憔悴而卒氏料理附身諸物悉臻妥善次日潛於內室雉經以殉時年二十九歲聞者哀之

烈女秦姓父名和鸞光州舊族也幼受州城東關劉姓聘年十八尙未過門女夙負異稟童年喜誦女箴諸書稍長聽父兄讀經史每至可歌可泣之處忽而怒眦欲裂忽而悚然起敬其父與兄戲謂曰若幸爲女子倘爲男子則書癡矣人更以不櫛進士嘲之女終激昂如故天性至孝父母愛若掌珠奈劉姓有醜行道光十四年被人告發州差拘案路經秦氏之門女母瞥見氣憤填胸

女亦頗知其事遂隱蓄死志而未發也家人知其不辱
防守甚嚴女恐傷親心強作言笑防閑稍懈卽於是年
八月二十二日夜潛入空室自縊畢命

童生李觀妻徐氏同里徐純之女年十七歸於李家貧親
老觀奮志讀書寒暑罔間薪水不給氏以女紅助之甫
兩年夫故舅姑年邁呱呱者尙未週歲家徒四壁其困
苦有不堪展述者晚年子孫滿前或耕或讀皆氏之教
也氏年十九守節時年七十七歲

童生周祥妻葉氏同里葉大貴之女年二十適周家貧早
寡菽水娛親義方訓子識者謂有大家風範焉歿年三

十八歲守節十二年

童生熊維城妻張氏同里張士适之女年十八適熊奉盤
匪潔滄瀆舅姑以得佳婦爲樂閱十載夫故堂上命立
堂姪希顏爲嗣鞠育劬勞無異已出後來喪葬冠婚諸
大事豐儉罔不得宜鄉里稱爲知禮歿年七十一歲守
節四十三年

張方氏固始人縣丞方乃淦之女商城監生張延禧之妻
光緒十年十二月過門十二年六月初十日夫故氏年
二十六歲於八月二十三日仰藥自殉夫歿不及百日
從容就義大節凜然奉 旨旌表

貞烈盧女商城人張懿先聘妻夫以疾故女尙未歸以死
殉年二十一又陳氏張邁先妻于歸日姑已病篤夫亦
染失血症無何姑與夫相繼歿氏以身殉年十九又王
氏張懋先妻夫病常刲肱肉和藥以進及夫卒以身殉
年二十八俱請旌表

烈婦錢氏者江南當塗縣人也年十五歸固始縣候選布
理問吳紹陶爲窆室時正配早歿仍以側室禮事夫同
治壬申年九月夫歿卽誓以身殉祇以夫柩未葬聽從
勸解次年癸酉三月初五日既葬氏泣曰吾事畢矣可
以從夫子於地下矣乃絕粒噴血以終亦烈矣哉

光山熊先第之妻孔氏庠生孔祥麟之姊也同治五年十月遇賊不屈賊支解之

林氏光山八水里人林運全之女同治二年二月十八日賊破虎頭關女避於白雲山石洞中賊逼女出女誑賊前行至懸岩投而死時有二犬俱死其旁

固始丁澤民之女許字蔣氏聞夫歿即以身殉又朱式穀之女許字姚氏聞夫病沒即仰藥以殉

張吳氏固始張彥臣之妻彥臣由拔貢舉人升用主事以疾沒氏以身殉臨終囑其妾吳氏以事親撫孤吳氏竟成嫡志時稱雙節云

固始方李氏方乃振之妻夫故投繯遇救勉理喪務甫畢
飲藥以殉又方陳氏方士璋之妻于歸三載夫故越九
月夫棺殯後絕粒殉節

烈婦張程氏商城人貢生程溶之女生員張志良之妻夫
亡氏即殉節年二十九歲

李舒氏光山李上志之妻咸豐十一年髮逆擾境殉難

張李氏係六品銜李觀海之女舉人四川酉陽州州同李學

海胞姪女舉人李贊廷李弼廷嫡堂妹咸豐九年氏年
十八歸州人丙午副榜軍功保舉同知銜花翎山西知
縣張振坤爲繼室成婚甫八日而振坤赴山西需次同

治元年振坤方委署孟縣未之任而卒於平定州差次
氏年二十有二八日之緣一旦永絕行道傷之加以家
徒四壁衣食無資氏苦節自守矢志靡他只依鍼黹供
其家用撫其前室之子成立光緒十二年氏年四十七
以疾卒於家計守節二十八年待 旌

周許氏商城人候選知府周文灝之妻係安徽六安州翰
林院編修許前軫之女咸豐七年六月遭粵匪亂殉難
母家經御史奏請 卹典